

INUIT ATAQATIGIIT

Inatsisartuni



123. november 2020

Inatsisartut suleriaasianni § 37, imm. 1 naapertorlugu, apeqqutit uku Naalakkersuisunut saqqummiuppagut:

Naalakkersuisunut apeqqutit:

- 1. Aningaasartuutit suut Parisimi isumaqatigiisummut ilaalernissamut attuumassuteqarpat?**
 - a. Ilanngunnermilu ingerlatat suut kalluarneqaratarsinnaappat?**
- 2. Nunatsinni CO2-mik aniatitsineq annikillisarniarlugu Naalakkersuisut sunik suliniuteqarpat?**
- 3. Silamut atuumassuteqartunik iliuseqarnermini, assersuutigalugu imermik nukissiuutunik atuinermigut, Parisimi isumaqatigiisummi anguniakkat piumasaqaatillu Nunatta qanoq qanillattortigivai ?**
- 4. Parisimi isumaqatigiisutip atsiorneqarnerata kingorna nunap inoqqaavisa pisinnaatitaaffiit inatsisitigut pituttuisumik innersuussinerit sakkukinnerulersiniarlugit Naalakkersuisut suliamik ingerlatsippat, tassunga ilaalluni ineriartornissamut pisinnaatitaaffik?**
 - a. Taamaattoqarpat, Naalakkersuisut suut iliuuseraat?**
- 5. Qallunaat Nunaanni naalakkersuisunut naalakkersuisuusimasunullu Naalakkersuisut saaffiginnissimappat Kalaallit Nunaata Parisimi isumaqatigiisummut ilaalersinnaaneranik ajornarunnaarsitsisumik Naalagaaffeqatigiinnerup iluani aaqqiissutaasinnaasumik siunertaqarluni oqaloqatigiissuteqarlutik?**
- 6. Parisimi isumaqatigiisummut ilaalernermit atatillugu Naalakkersuisut Savalimmiuni misilittagarilikkanik pisamut attuumassuteqartunik tikkuussisinnaappat?**
- 7. Kalaallit Nunaata Parisimi isumaqatigiisummut ilanngunnera nunanut allanut politikkeqarnikkut inuussutissarsiornermilu sutigut tigussaatumik iluaqutsiisinnaava?**
 - a. Assersuutigalugu nunanit allanit aningaasaliisussarsiorneq ajornannginnerulissava?**
 - b. Iluaqtissat allat suussappat?**
- 8. Kalaallit Nunaata Parisimi isumaqatigiisummut ilanngunnissaanut ilanngutinnginnissaanulluunniit atatillugu nalilersuutit suut allat isumaliutersuutigissallugit pillugit Naalakkersuisut qanoq isumaqarpat?**

(Inuit Ataqatigiit Inatsisartuni)

Tunngavilersuut:

Parisimi isumaqatigiisummut ilanngunneqannginnissaq Naalakkersuisut 2016-mi Danmarkimut qinnutigaat. Isumaqatigiisummut peqataannginnerup kingunerisaanik Kalaallit Nunaat silaannarmik mingutsitsinerup annikillisarnissaanut nunanut allanut pisussaaffeqanngilaq, taamaalillunilu Parisimi isumaqatigiisummut atsioqataasut imminnut pisussaaffilerneranut Nunarput ilaanani.

Innuttaasut 63 procentiisa Kalaallit Nunaata Parisimi isumaqatigiisummut ilanngunissaa kissaatigigaat misissuinikkut saqqummerpoq. (Issuaaffik: Greenland Perspectives on Climate Change (2018-2019)).

Issittumi silaannaap kissatsikkiartornera nunarsuup sinneranut sanilliullugu marloriaammik sukkassuseqarpoq, taamaattoqarneraalu nunatsinni inuunermit annertuumik sunniuteqarpoq. Sunniutaasut ilagaat sermersuup aakkiartupiloorneratigut silaannaap kissatsipiloornera silarluullu pisarnermit sakkortunerulerneru.

Apeqqutitta ullut suliffiusut qulit ingerlaneranni akineqarnissaat kissaatigaarput.